

KEJBAROK NIÑNIÑ EO NEJIM JEN HEPATITIS B TOON WOT AN MOUR

*Lolorjake bwe niñniñ eo nejim en bok wā eo an
kein-kajuon ñe elotak im mokta jen an driwoj jen
hospital.*



*Kajitok ibben takto eo am ñāāt eo niñniñ eo
nejim enaj aikuij bar wā.*



*Hepatitis B ejjab kauotata non niñniñ eo nejim,
jekdron ñe niñniñ eo nejim ej juon koo ak jabwe an
alliñ.*



DEPARTMENT OF HEALTH
& HUMAN SERVICES



KEJBAROK NIÑNIÑ EO NEJIM JEN HEPATITIS B TOON WOT AN MOUR



TA IN HEPATITIS B?

Hepatitis B ej juon nañinmij eo ekauotata im ej walok jen kij in, hepatitis B virus (HBV). HBV ej kakure aj im emaroñ koman bwe en cancer im wor jenkwon kinej ilo aj (im koman bwe en nana an bótóktók jerbal ilo aj) ibben ro ebed nañinmij in ibbeir im ejjab maroñ jako.

TA EO ENAJ WALOK NON NIÑNIÑ EO NEJIÓ ÑE EBÓK HEPATITIS B?

Eñañin aolepen ajiri ro rejcab lotak im ewor hepatitis B ibbeir rejjab nañinmij jinoin, botap ewor 90% in aer maroñ bok nañinmij in im ejelok uno in. Ñe ajiri eo nejim ebok nañinmij in, emaroñ koman bwe en kanuij jorrán aj in, im emaroñ bok cancer in aj tokelik ilo an mour.

Botap ewor news emon. Jemaroñ bobrae Hepatitis B kin juon uno eo ejelok kauotata ie im elap an emon an jerbal. Ñe kwololorjake bwe niñniñ eo nejim en bok an wá ilo tore eo ej lotaktok, inem eban bok nañinmij in e toon wot an mour.



EKIJKAN BWE AJIRI EO NIJIÓ EN BOK HEPATITIS B?

Kij in hepatitis B ej mōñáñe jen am uñir bótóktók ak dren in enbwin ko jen ro ewor kij in ibbeir. Ajiri remaroñ bok nañinmij in jen:

- aer añur bótóktók im dren in enbwin in jineir ilo ien eo rej lotak
- aer añur bótóktók im dren in enbwin ko rej walok jen kinej ko
- aer añur ak kójerbal men ko emaroñ wor bótóktók im dren in enbwin ko ie einwot brush in ñi ak reja ko

HEPATITIS B EJJAB MÓÑÁÑE JEN:

- Maje ak bokbok
- Umma ak atbokwoj (bakojdrón)
- Kaninnin ajiri
- Móñá móñá ko ak idrak dren ko
- Kójerbal kein móñá im idrak ko ibbendron

Rein rej konono kake ir ilo pepa in jerbal kein rej non wot waanjoñak.



ÑE KWOBÓRORO

Kajitok ibben taktó eo am...

- Inañin ke kakólköl ilo bótóktók kin kij in hepatitis B?
- Jaikuij ke in bok wá eo non hepatitis B?
- Kwomaroñ ke lolorjake bwe niñniñ eo nejió en bok wá eo non hepatitis B ñe elotak?

ÑE KWOBÓRORO IM EWOR HEPATITIS B IBBAM

Kememej...

- Kajitok im ibjerjer taktó eo am bwe en wáik niñniñ eo nejim kin wá eo naetan HBIG, im wá eo kein ka-juon non hepatitis B ñe elotak.
- Kwomaroñ kaninnin niñniñ eo nejim elkin wot an lotak.
- Lolorjake bwe niñniñ eo nejim en bok aolepen wá in hepatitis B ko an bwe kwon jelá ke ejamin bok nañinmij in.
- Lolorjake bwe niñniñ eo nejim en bok kakólköl ilo bótóktók elkin an bok aolepen wá in hepatitis B ko an bwe kwon jelá ke ejamin bok nañinmij in.